

明史考證擣逸

六

西漢書

明史攷證擣逸卷二十二

長洲王頌蔚編集

列傳第一百十八

蔡時鼎傳

御史丁此呂至時鼎論救

按此呂言啟愚以試題勸進居正帝手疏示時行時行謂此呂以曖昧陷人大辟漸不可長巍因請出此呂於外帝從巍言時鼎因疏救之見明實錄

語侵楊巍申時行

按是時給事御史王士性李植等亦交章劾巍阿時行意蔽言路見明史紀事本末

萬國欽傳

疏斥政府私人

接南星所疏斥者如都御史吳時來副都御史詹仰
庇少詹事黃洪憲給事唐堯欽御史蔡系周孫愈賢
等見陳鼎東林列傳

七月帝召見時行等於皇極門至時行以款貢足恃爲

言

接召見時行時閣臣許國言寇欲無厭宜一大創之
不可復羈縻帝心然國言而時行爲政不能奪見明

史紀事本末

初國欽疏上座主許國責之曰

按國欽劾時行後給事中伍讓論國庸鄙國疏辨帝
奪讓俸讓時行門生也蓋爲其師報復云見東林列
傳

饒伸傳

伸既斥至屢請敘用

按是時御史喬璧星疏請帝戒諭錫爵務擴休休之
量見明實錄

湯顯祖傳

誠諭輔臣省愆悔過

按是時與顯祖相繼攻時行者爲南御史李用中見
焦竑所撰時行神道碑

卷之二十一
遂中立傳

文選郎顧憲成等以會推閣臣事被斥

按閣臣王家屏初以諫冊儲罷歸至二十二年五月上諭有不拘資品會推之語吏部遂以家屏及沈鯉陳有年沈一貫孫丕揚鄧以讚馮琦等名上上不懌詰責之憲成遂被斥見明實錄

楊恂傳

王錫爵謝政至御史柳佐章守誠劾之

按是時佐與守誠言吏部郎顧憲成等空司而逐志

皋實激帝怒見明實錄

恂復諭志皋並及張位

按是時與恂先後劾志皋者爲給事中張濤御史況上進南評事龍起雷而巡按吳崇禮則劾志皋子兩淮運副鳳威鳳威坐停俸見明史紀事本末

由莊平知縣

莊改莊

按莊前漢書從在後漢書及水經注皆從仕明一統志亦從仕

姜士昌傳

明年禮部主事鄭振先

至

調邊方用

按振先疏指一貫賡廷機爲過去見在未來三身上斥其誣詆謫普安州判見明史紀事本末

馬孟禎傳

王錫爵辭召密疏痛詆言者

按錫爵疏言上於章奏一概留中特鄙夷之如禽鳥之音等語其疏甚祕都御史李三才鈎得之泄於眾諸言官大憤謂錫爵以臺省爲禽獸見明史紀事本末傳所謂痛詆言者指此

孟頫及南京給事中段然並上疏極論

按是時與孟頫同論錫爵者爲給事中胡嘉棟宋一韓御史梁州彥陳于廷等見明實錄

挺而走險

挺改
鋌

是時三黨勢張

至出爲廣東副使

按是時臺省有齊楚浙三方鼎峙之號齊爲元詩教

韓浚周永春楚爲官應震吳亮嗣浙爲劉廷元姚宗文等皆攻擊東林者見明史紀事本末所謂三黨指此

列傳第一百十九

顧憲成傳

都御史辛自修掌計事工部尙書何起鳴在拾遺中

按是時起鳴有疏訏自修見明實錄

二十一年京察

按二十一年三月給事中劉道隆論吏部員外郎虞潭熙兵部郎中楊于庭臺省交謫而吏部曲爲解僅議一職方主事袁黃非體上責吏部回奏孫鑛疏爭

遂奪其俸并鐫南星三秩調外見明實錄

尋遷文選郎中

按是時鄒元標左遷南刑部求去上允之憲成力勸
錫爵疏留錫爵勉從之見明史紀事本末

憲成舉故大學士王家屏

按是時與憲成同舉王家屏者爲吏部主事章嘉禎
謫羅定州州判見明史紀事本末

忤帝意削籍歸

按憲成削籍禮部郎中何喬遠抗疏救謫廣西布政

司經厯見明實錄

既而淮撫李三才被論憲成貽書葉向高孫不揚爲延

譽

按不揚時爲吏部尙書先是二十三年不揚掌外察黜督學馬猶龍及參政丁此呂侍郎沈思孝力爭不聽疏逮此呂論戍死以是并怒思孝至是廷臣力攻三才憲成爲移書向高及不揚救之并言思孝猶龍之賢見明史紀事本末

兆魁騰疏攻憲成

按兆魁與給事中朱一桂疏攻憲成事在三十九年五月見明實錄

顧憲成附傳

屢遷南京刑部郎中

按東鳳由知縣稍遷南京刑部主事劾祭酒馮夢禎
兩廣總督侍郎陳大科不檢兩人遂罷去見明實錄
憲成輩講學爲建東林書院

按東林書院記東鳳所撰也後魏忠賢毀書院見其
碑遂被削奪崇禎初乃復見明史紀事本末

顧允成傳

寰復詆瑞及思孝其言絕狂誕

按寰疏言臣爲善二十年曲謹木疆無不如瑞獨崇
詭飾虛則不屑爲見明實錄傳所謂其言絕狂誕者
指此

卽戒之弗言

勿改

按是時同爭拾遺者尙有僉都御史王洪訓大理少卿曾乾亨禮部郎中何喬遠主事洪啟睿等見明史紀事本末

于孔兼傳

謫孔兼安吉判官泰來饒平典史

按是時左都御史李世達有請宥泰來等一疏不聽見明史紀事本末

孔兼投牒歸

按魏忠賢亂政時以孔兼曾救南星惡之遂削籍崇禎初乃復見明史紀事本末

再從弟仕廉

按仕廉官登萊副使時修萊州城其後三十餘年叛將余九成等攻之七月城堅得不破見明一統志

史孟麟傳

且救御史劉光復

按光復初指斥東林又排擊李三才及梃擊事起光復廷諱下獄上怒叵測孟麟至是疏救光復得減死

見明實錄

薛敷教傳

敷教上言時來壅遏言路

按是時敷教方觀政在部因有是疏見明實錄

劉元珍傳

盡黜政府私人錢夢皋等

按是時詔留被黜給事中錢夢皋御史錢一鯨等見
明史紀事本末

近見夢皋有疏每以黨加人

按三十一年九月夢皋承一貫指與給事楊應文以
楚假王疏劾侍郎郭正域并及次輔沈鯉於是正域
罷會妖書事起夢皋遂直指正域并及鯉至是年四
月夢皋復論楚事請削正域籍并誣純黨庇元珍遂
抗疏劾之見明史紀事本末

給事御史侯慶遠葉永盛等亦爭之不從

按是年四月元珍疏未上之先大理少卿徐宗濬給

事中侯慶遠御史孔貞一等皆疏劾夢皋不報見明
史紀事本末

時員外郎賀燦然南京御史朱吾弼相繼論察典

按是時燦然言被察科道與溫純皆當去吾弼與南
給事中陳良訓御史蕭如松各論拾遺尙書王基給
事錢夢皋鍾兆斗必不可留并論沈一貫交結近侍
之罪見明史紀事本末

列傳第一百二十

魏允貞傳

俄劾兵部尙書吳兌

按允貞劾兌先結高拱張居正又餽馮保千金且以

軍械火器私遺俺答不可典中樞見明實錄

吏部尙書李戴至請下允貞疏平議

按是時給事御史許子偉何熊祥等交章乞下部院
疏亦不報見明實錄

王國傳

國與同官魏允貞雷士楨及給事中王繼光孫煥牛惟
柄張鼎思抗言不可

按晟馮保所受書者也保強居正薦之居正卒保亟
請帝召晟入輔國等交章攻之因乘保病放歸見獻

徵錄

余懋衡傳